



Danas su u Velikoj sali Općine Goražde potpisani Ugovori o dodjeli sredstava po Javnom pozivu koji Općina Goražde svake godine objavljuje, a tiču se finansiranja projekata za sport, pojedince, kulturu i udruženja, te projekata mladih.

Ukupno za ove namjene u Budžetu Općine Goražde izdvojeno je preko 60.000,00 KM, a sredstva se dodjeljuju po osnovu Javnog poziva koji je raspisala Općina Goražde. Sredstva su odobrena za 19 aplikacija iz oblasti sporta za koji je predviđen iznos od 40.000,00 KM, 7 aplikacija pojedinaca u iznosu od 3.000,00 KM, 2 aplikacije iz oblasti kulture u iznosu 3.000,00 KM, te 10 projektnih aplikacija za projekte mladih u iznosu od 16.000,00 KM.

Na ovaj način, Općina Goražde u skladu sa mogućnostima i stanja u Budžetu, podržava sve aktivnosti koje imaju za cilj promociju Općine Goražde, ali i razvoj sporta, kulture i ostalih društvenih sfera u Općini Goražde.

Prema riječima načelnika Općine Goražde mr. Muhameda Ramovića, Općina će novi Javni poziv za 2014. raspisati uskoro, kada će svi oni koji ispunjavaju kriterije ponovo biti u prilici da apliciraju za sredstva.

„Iako je teška materijalna situacija, ne samo u Općini Goražde, već i u svim drugim dijelovima Bosne i Hercegovine, mi kao lokalna zajednica uvijek se trudimo naći mogućnost finansiranja kvalitetnih projekata i sportskih aktivnosti koje doprinose jačanju ugleda grada i okupljaju mlade ljude. Nadamo se da ćemo u budućnosti biti u mogućnosti dati još veću podršku, ali u svakom slučaju, želimo mnogo sreće pri implementaciji projekata svima koji su dobili sredstva.“-izjavio je načelnik Općine Goražde mr. Muhamed Ramović.